



Open Society Foundations - Armenia

ՏԵՂԵԿԱՆՔ

2013 Թ. ՀՈՒՆՎԱՐ-ՄԱՐՏ ԱՄԻՍՆԵՐԻՆ
ԶԻՆՎԱԾ ՈՒԺԵՐՈՒՄ ՄԱՀԱՑՈՒԹՅԱՆ ԴԵՊՔԵՐԻ ՄԱՍԻՆ

ՎԱՆԱԶՈՐ

2013

Ըստ ՀՔԱ Վանաձորի գրասենյակի ուսումնասիրության արդյունքների՝ 2013 թվականի առաջին եռամսյակում ՀՀ զինված ուժերում գրանցվել է 9 միջադեպ, որի հետեւանքով մահացել է 9 զինծառայող: Միջադեպերից միայն 1-ի դեպքում է ՀՀ պաշտպանության նախարարությունը հանդիսացել տեղեկատվության տարածման առաջնային աղբյուր:

Նշված ժամանակահատվածում գրանցված մահացության 9 դեպքերից 2-ը հրադադարի ռեժիմի խախտման հետեւանքով է, 2-ը ինքնասպանության կամ ինքնասպանության հասցնելու, 1-ը կանոնադրային հարաբերությունների խախտման, 1-ը՝ դժբախտ պատահարի, 2-ը՝ առողջական խնդրների եւ ոչ պատշաճ բժշկական ծառայության տրամադրման պատճառով, 1-ը ծառայակցի կողմից կատարված անզգույշ սպանության հետեւանքով:

Ըստ հասանելի տեղեկատվության՝ դեպքերից 7-ի առնչությամբ հարուցվել է քրեական գործ: Քրեական գործերից 1-ը հարուցվել է ՀՀ քրեական օրենսգրքի 377 հոդվածի 2-րդ մասով՝ մեքենաներ վարելու կամ շահագործելու կանոնները խախտելը, 2-ը ՀՀ քրեական օրենսգրքի 376 հոդվածի 2 մասով՝ պաշտոնական անձի անփույթ վերաբերմունք ծառայության նկատմամբ, որն անզգույշությամբ առաջացրել է մահ, 2 գործ ՀՀ քրեական օրենսգրքի 110 հոդվածի 1-ին մասով նախատեսված հանցագործության հատկանիշներով (ինքնասպանության հասցնելը), 1 քրեական գործ ՀՀ քրեական օրենսգրքի 104-րդ հոդվածի 2-րդ մասի 13-րդ կետով (սպանություն ազգային, ռասայական կամ կրոնական ատելության կամ կրոնական մոլեռանդության շարժառիթով), 1 դեպք՝ ՀՀ քրեական օրենսգրքի 104-րդ հոդվածի 2-րդ մասի 10-րդ կետի հատկանիշներով՝ սպանություն՝ խուլիգանական դրդումներով: Մյուս երկու դեպքերում չի նշվում, թե արդյոք հարուցվել են քրեական գործեր եւ ինչ հոդվածներով:

Մահացության դեպքերից 6-ը տեղի է ունեցել Հայաստանի Հանրապետության տարածքում, 3-ը՝ Լեռնային Ղարաբաղի:


Ըստ առկա տեղեկատվության հարուցված 9 քրեական գործերից 7-ը գտնվում են նախաքննության փուլում, իսկ թե որ փուլում են գտնվում գործերից երկուսը. որեւէ տեղեկատվություն չի տրամադրվել:

Ստորև ներկայացվում են մահացության դեպքերի վիճակագրական տվյալները 2013 թ-ի առաջին եռամսյակի համար, դեպքերի վերաբերյալ ամփոփ տեղեկատվությունը և դեպքերի նկարագրությունը:


2013 թ. Մահացությունների Պատճառը/ հետեւանքը

Ամիս	Հրադադարի ոեժիմի խախտում	Սպանություն	Ինքնասպա նություն	Կանոնադրային Հարաբերություն ների խախտում	Դժբախտ պատահար	Առողջական խնդիրներ	Միջադեպերի Քանակը	Ընդամենը	Դեպքերի վերաբերյալ պաշտոնական հաղորդագրու թյան առկայություն
Հունվար			1	1	1	2	5	5	2
Փետրվար	2		1				3	3	1
Մարտ		1					1	1	1
Ընդամենը	2	1	2	1	1	2	9	9	4

**2013 թ. Մահացությունների
պատճառը/հետեւանքը**



Դեպքի տարածաշրջանը



h/h	Անուն ազգանուն	Դեպքի տարեթիվը	Դեպքի տարածաշրջան	Դեպքի վայրը (քաղաք, գյուղ)	Զորամասը	Տեղեկատվության տարածման առաջնային աղբյուրը	Քրեական գործ հարուցող մարմինը	Քրեական գործի պաշտոնական որակումը	Դեպքի պատճառը	Որ փուլում է գտնվում գործը
1	Արթուր Գևորգյան	16.01.2013	ՀՀ	Վայոց Ձոր, Արփի գյուղի ճանապարհին		Ոչ պաշտոնական	ՀՀ ՊՆ քննչական ծառայություն	ՀՀ քր. օր-ի 377 հոդ. 2-րդ մաս մեքենաներ վարելու կամ շահագործելու կանոնները խախտելը	մեքենաներ վարելու կամ շահագործելու կանոնները խախտելը, որն անզգուշությամբ առաջացրել է մարդու մահ	Նախաքննություն
2	Արտակ Գալստյան	26.01.2013	ՀՀ			Ոչ պաշտոնական			ժամկետային զինծառայողի կողմից մահացու հրազենային վնասվածք է հասցվել	
3	Արմենակ Մկրտչյան	17.01.2013	ՀՀ	Երևան՝ ԿԿԶՀ		Ոչ պաշտոնական	ՀՀ ՊՆ քննչական ծառայություն	ՀՀ քր. օր-ի 376 հոդ. 2-րդ մաս՝ անփույթ վերաբերմունքը ծառայության նկատմամբ, որն անզգուշությամբ առաջացրել է ծանր հետևանքներ	միոկարդի սուր ինֆարկտ հարցականով, թոքային զարկերակացողունի թրոմբոէմբոլիա հարցականով, սուր սիրտ-թոքային անբավարարություն	Նախաքննություն
4	Արայոմ Հակոբյան	18.01.2013	ՀՀ	Երևան՝ ԿԿԶՀ		Ոչ պաշտոնական	ՀՀ ՊՆ քննչական ծառայություն	ՀՀ քր. օր-ի 376 հոդ. 2-րդ մաս՝ անփույթ վերաբերմունք ծառայության նկատմամբ՝ որն անզգուշությամբ առաջացրել է ծանր հետևանքներ	Հեմորագիկ ինսուլտ, սպոնտան մասիվ սուբարախնոիդալ արյունազեղում արտահայտված ուղեղի մեղիալ հատվածներում, ուղեղի այտուց, ուղեղաբնի երկրորդային համախտանիշով, վիճակ տարած ջրծաղիկից հետո	Նախաքննություն

5	Վարդան Ավագյան	30.01.2013	ՀՀ			Ոչ պաշտոնական	ՀՀ ՊՆ քննչական ծառայություն	ՀՀ քր. օր-ի 110 հոդվածի 1-ին մաս՝ սպառնալիքի, դաժան վերաբերմունքի կամ անձնական, արժանապատվությունը պարբերաբար նվաստացնելու ճանապարհով անձին անուղղակի դիտավորությամբ կամ անզգուշությամբ ինքնասպանության կամ ինքնասպանության փորձի հասցնելը	ինքնաձիգով ինքն իրեն մահացու հրազենային վիրավորում	Նախաքննություն
6	Մհեր Եղշատյան	09.02.2013	ՀՀ	Մովսես գյուղ	N գորմասի մարտական հենակետում	Ոչ պաշտոնական			հրադադարի ռեժիմի խախտում /նախնական տվյալներ/	
7	Գոռ Ղազարյան	19.02.2013	ԼՂՀ		հակամարտ գորքերի շփման գծի հյուսիս-արևելյան ուղղությամբ տեղակայված դիրքեր	Ոչ պաշտոնական	ՀՀ ՊՆ քննչական ծառայություն	ՀՀ քր. օր-ի 104 հոդվածի 2-րդ մասի 13-րդ կետ՝ սպանություն ազգային, ռասայական կամ կրոնական ատելության կամ կրոնական մոլեռանդության շարժառիթով:	Հրադադարի ռեժիմի խախտում	Նախաքննություն

8	Կարեն Հակոբյան	21.02.2013	ԼՂՀ		Հյուսիսային ուղղությամբ տեղակայ ված միավորման գործամաս	Ոչ պաշտոնական	ՀՀ ՊՆ քննչական ծառայության	ՀՀ քր. օր-ի 110 հոդվածի 1-ին մաս՝ սպառնալիքի, դաժան վերաբերմունքի կամ անձնական արժանապատվոյթո ւնը պարբերաբար նվաստացնելու ճանապարհով անձին անուղղակի դիտավորությամբ կամ անզգուշությամբ ինքնասպանության կամ ինքնասպանության փորձի հասցնելը	սպառնալիքի, դաժան վերաբերմունքի կամ անձնական արժանապատվոյթոյնը պարբերաբար նվաստացնելու ճանապարհով անձին անուղղակի դիտավորությամբ կամ անզգուշությամբ ինքնասպանության կամ ինքնասպանության փորձի հասցնելը	Նախա քննություն
9	Վոլոդյա Ավագյան	20.03.2013	ԼՂՀ		ԼՂՀ ՊԲ հյուսիսարեւ ելյան ուղղությամբ տեղակայվա ծ մարտական դիրք	Պաշտոնական	ՀՀ ՊՆ քննչական ծառայության	ՀՀ ՔՕ 104-րդ հոդվածի 2-րդ մասի 10-րդ կետի հատկանիշներով՝ սպանություն՝ խուլիգանական դրդումներով	սպանություն	Նախաքննություն

**ԶԻՆՎԱԾ ՈՒԺԵՐՈՒՄ ԶԻՆԾԱՌԱՅՈՂՆԵՐԻ
ՄԱՀԱՑՈՒԹՅԱՆ ԴԵՊՔԵՐԻ ՆԿԱՐԱԳՐՈՒԹՅՈՒՆԸ**

Ա. Հրադադարի ռեժիմի խախտում

1. Գոռ Ղազարյան

2013 թ-ի փետրվարի 19-ին հակամարտ գորքերի շփման գծի հյուսիս-արևելյան ուղղությամբ տեղակայված դիրքերից մեկում, հակառակորդի կողմից արձակված գնդակից մահացու վիրավորում է ստացել ժամկետային զինծառայող Գոռ Արթուրի Ղազարյանը (ծնված 1992 թվական)՝ Գոռ Ղազարյանը գորակոչվել էր Տավուշի մարզից:

Գոռ Ղազարյանի մահվան փաստով քրեական գործ է հարուցվել 104 հոդվածի 2-րդ մասի 13-րդ կետով՝ սպանություն ազգային, ռասայական կամ կրոնական ատելության կամ կրոնական մոլեռանդության շարժառիթով:

Ըստ Տավուշի մարզի Բերդավան գյուղի գյուղապետ Արարատ Գաբրիելյանի 19-ամյա զինծառայող Գոռ Ղազարյանը Ռուսաստանից վերադարձել էր Հայաստան՝ իր պարտքը հայրենիքին տալու համար: «Ծնողներն այնտեղ են տեղեկացել կատարվածի մասին եւ իմանալուն պես եկել են: Լուրը մենք չենք հայտնել նրանց: Մենք դեռ շոկի մեջ ենք, երեխան վերադարձել էր հայրենիք ծառայության համար ու նման բան ստացվեց: Շատ քչերն են նման քայլի դիմում: Գոռը ընտանիքի միակ տղան էր», - ասել էր գյուղապետը:

2. Մհեր Վոլոդյայի Եղջատյանը

2013 թ-ի փետրվարի 9-ին, ժամը 09.05-ի սահմաններում, ըստ նախնական տվյալների, հայ-ադրբեջանական սահմանագոտու հյուսիսարևելյան հատվածում, Տավուշի մարզի Մոփսես գյուղի պաշտպանական դիրքերում մարտական հերթապահություն իրականացնելիս հակառակորդի կողմից որովայնի շրջանում

¹ http://haynews.am/hy/1361354885?fb_comment_id=fbc_485953351461865_4707398_485953928128474#f15955a8f
<http://pressing.am/?p=1358&l=am>
<http://news.am/arm/news/142289.html>

մահացու հրազենային վիրավորում է ստացել պայմանագրային զինծառայող, շարքային Մհեր Վոլոդյայի Եղշատյանը (ծնված 1976թ.): Մհեր Վոլոդյայի Եղշատյանը զորակոչվել էր Բերդի զինկոմիսարիատից:²

Բ. Ինքնասպանություն/ինքնասպանության հասցնել

1. Կարեն Հակոբյան

2013 թ-ի փետրվարի 21-ին, ժամը 09:30-ի սահմաններում, հյուսիսային ուղղությամբ տեղակայված միավորման զորամասերից մեկում արտակարգ միջադեպ է տեղի ունեցել, որի արդյունքում մահացել է ժամկետային զինծառայող Կարեն Արծվիկի Հակոբյանը (ծնված 1994թ.):³

19-ամյա ժամկետային զինծառայող Կարեն Հակոբյանի մահվան փաստով քրեական գործ է հարուցվել 110 հոդվածի 1-ին մասով՝ սպառնալիքի, դաժան վերաբերմունքի կամ անձնական արժանապատվությունը պարբերաբար նվաստացնելու ճանապարհով անձին անուղղակի դիտավորությամբ կամ անզգուշությամբ ինքնասպանության կամ ինքնասպանության փորձի հասցնելը: 21-ամյա զինծառայող Կարեն Հակոբյանը Հրազդան քաղաքի բնակիչ էր:

2. Վարդան Ալբերտի Ավագյան

2013 թ-ի հունվարի 31-ին, ժամը 22:20-ի սահմաններում, ՀՀ ՊՆ N զորամասի կայի վաշտի զինանոցում, ըստ նախնական տվյալների, ինքնաձիգով ինքն իրեն մահացու հրազենային վիրավորում է հասցրել նույն զորամասի ժամկետային զինծառայող, շարքային Վարդան Ալբերտի Ավագյանը /ծնված 1990 թ./: Վարդան Ավագյանը զորակոչվել էր 2012 թ-ին Նոր Նորքի զինկոմիսարիատից:⁴

² http://www.1in.am/arm/armenia_society_158017.html

<http://www.aravot.am/2013/02/10/165467/>

³ <http://operativ.am/?p=8298>

<http://www.mamul.am/am/news/32370/%D5%A6%D5%AB%D5%B6%D5%BE%D5%B8%D6%80-%D5%A7-%D5%B4%D5%A1%D5%B0%D5%A1%D6%81%D5%A5%D5%AC#.USZt7hug5ek.facebook>

<http://www.ilur.am/news/view/9712.html>

⁴ http://www.galatv.am/news/view/item_45214.html

<http://operativ.am/?p=6135>

<http://www.mil.am/1359972027>

Փաստի առթիվ ՀՀ ՊՆ քննչական ծառայությունում հարուցվել է քրեական գործ ՀՀ քրեական օրենսգրքի 110 հոդվածի 1-ին մասով /ինքնասպանության հասցնելը/: Կատարվում է նախաքննություն:

Ընտանիքի անդամների բնութագրմամբ, Վարդանը զուսպ ու հավասարակշռված տղա էր, երբեք նրան արտասովոր վարքով կամ դեպրեսիայի մեջ չեն տեսել: Նա մշտապես ի վիճակի է եղել խնդիրները հարթել, իրավիճակից դուրս գալ առանց փորձանքների: Եղբայրների կանայք ասում էին, թե չեն հավատում ինքնասպանության վարկածին: Բայց այլ վարկածներ չունեին: “Շատ անհասկանալի է ամեն ինչ, մի օր առաջ զանգեց շատ ուրախ ու ոգևորված, ասաց, որ ամսի 7-ին անպայման գալիս է, մենք շատ ուրախացանք, իրեն էինք սպասում: Ամեն ինչ էնքան լավ էր, ո՞վ կսպասեր, որ սենց կլիներ... Ուրախ-ուրախ հայտնեց, որ պատվոգիր է ստացել, ամեն ինչ շատ լավ էր, ոչ տրամադրության անկում, ոչ որեւէ բան...”,- ասում էին ազգականները: Սիրո հողի վրա նեղվածությունն էլ բացառեցին՝ ընկերուհի չուներ:

Առողջական վիճակի առումով էլ նշեցին, թե ամիսներ առաջ ճողվածքն է վիրահատել: “Վարդանը կապի վաշտում ծառայող էր, իրեն լավ էր զգում, ոչ մի անգամ չի դժգոհել, չհասկացանք, թե ինչ եղավ, ախր դրանից մի քանի ժամ առաջ էր մեր հետ խոսել, ոչ մի ընկճվածություն չկար”:

“Գնացեք պատասխանատուներին հարցրեք, իրենք թող ասեն՝ այդ ինչպե՞ս ստացվեց, որ ուրախ, առողջ մարդը ժամեր անց կյանքին հրաժեշտ տվեց”,-լաց լինելով՝ զրույցին միջամտեց մեկ այլ ազգական:

Եվ հիմա եթե մենք գրենք, որ մեր բանակում ամենաթողություն է տիրում, որ բանակ ուղարկելը վերածվել է ռազմի ճակատ ուղարկելու, մեզ կմեղադրեն, թե՛ վարկաբեկում եք բանակը, “ջուր եք լցնում թշնամու ջրաղացին”: Մենք պնդում ենք, որ այս վիճակը հանդուրժողներն են մեր իրական թշնամիները՝ ինչ պաշտոն ուզում է նրանք զբաղեցնեն եւ ինչ տաքուկ կաբինետում ուզում է հայրենասիրական ճառեր բարբաջեն”,-գրում է թերթը:⁵

⁵ http://henaran.am/news_view.php?post_id=17039

Գ. Կանոնադրային հարաբերությունների խախտում

1. Արտակ Գալստյան

2013 թ-ի հունվարի 26-ին՝ ժամը 23:40-ի սահմաններում, ըստ նախնական տվյալների՝ Հայաստանի ՊՆ N գործառնախի ժամկետային զինծառայող, կրտսեր սերժանտ Յուրի Հրայրի Գարեգինյանը մարտական դիրքում, իրեն ամրակցված ինքնաձիգից կրծքավանդակի շրջանում մահացու հրազենային վիրավորում է հասցրել ժամկետային զինծառայող, ավագ սերժանտ Արտակ Գրիգորիի Գալստյանին։⁶

Սույակ գյուղի գյուղապետի փոխանցմամբ, Արտակը ծառայության է մեկնել իր զույգ եղբոր հետ: Արդեն 1 տարի եւ 2 ամիս է ինչ մեկնել են ծառայության: Վերջին անգամ արձակուրդ են եկել 1.5 ամիս առաջ իրենց պապիկի հուղարկավորությանը: Գյուղապետի պատմելով, որ նրանք սոցիալապես միջին պայմաններում ապրող ընտանիք են, երեք եղբայր են: «Մինչեւ ծառայության մեկնելը հորն էին օգնում, բանվորություն էին անում: Վերին աստիճանի համեստ երեխաներ են: Հրամանատարն էլ, որ եկել էր, ասում էր, որ շատ խելացի, արտակարգ տղաներ են», - ընդգծեց գյուղապետը: Ըստ գյուղապետի՝ Արտակի եղբայրը ծառայությունից արձակուրդ է եկել եղբոր հուղարկավորությանը մասնակցելու համար, սակայն շոկի մեջ է: Եղբայրն այնքան վատ վիճակում է, որ նույնիսկ գյուղապետն իրեն թույլ չի տվել նրան հարցեր տալ: ⁷

Դ. Առողջական խնդիրների/ոչ պատշաճ բժշկական ծառայության տրամադրման հետեւանքով մահվան դեպքեր

1. Արմենակ Մանուչարի Մկրտչյան

2013 թ-ի հունվարի 17-ին, ժամը 05:30-ին միոկարդի սուր ինֆարկտ հարցականով, թոքային զարկերակացողունի թրոմբոէմբոլիա հարցականով, սուր սիրտ-թոքային անբավարարություն ախտորոշմամբ Կենտրոնական կլինիկական

⁶ <http://lurer.com/?p=72233&l=am>

⁷ <http://asekose.am/news/4/115137-news-armenia.html>

զինվորական հոսպիտալում մահացել է ՀՀ ՊՆ N զորամասի ժամկետային զինծառայող Արմենակ Մանուչարի Մկրտչյանը:

Փաստի առթիվ ՀՀ ՊՆ քննչական ծառայությունում ՀՀ քր. օր-ի 376 հոդ. 2-րդ մասով (անփույթ վերաբերմունքը ծառայության նկատմամբ, որն անզգուշությամբ առաջացրել է ծանր հետևանքներ) հարուցվել է քրեական գործ և կատարվում է նախաքննություն:⁸

ՀՀ ՊՆ N զորամասի զինծառայող 18-ամյա Արմենակ Մկրտչյանը մինչև հոսպիտալ տեղափոխվելը ջրծաղիկով հիվանդ է եղել: Այս մասին NEWS.am-ի թղթակցի հետ զրույցում ասել է Արմենակ Մկրտչյանի քեռին՝ Նվեր Վարդանյանը:⁹

«Մենք առողջ երեխա ենք ուղարկել, բայց այդ ընթացքում ջրծաղիկ է ընկել: Մի օրվա մեջ տարել են սանչաստ, այդ գիշերվա մեջ վատացել է, տարել են հոսպիտալի վերակենդանացման բաժին: 5 օր այնտեղ պառկել է ու էլ չգիտենք ինչ է եղել», - ավելացրեց Արմենակ Մկրտչյանի քեռին: Ինչպես նաև փոխանցեց, որ այս պահին ավելին չի կարող ասել մինչև դատաբժշկական փորձաքննության արդյունքները չստանան: Իսկ փորձաքննության արդյունքները սպասում են, որ մինչև հունվարի վերջ արդեն պատրաստ կլինի:

Ավելի վաղ NEWS.am տեղեկացրել էր, որ ՀՀ ՊՆ N զորամասի զինծառայող 18-ամյա Արմենակ Մկրտչյանը, ով հունվարի 17-ին մահացել է Կենտրոնական կլինիկական զինվորական հոսպիտալում դեկտեմբերին էր զորակոչվել բանակ եւ վախենում էր մթությունից: Այս մասին NEWS.am-ի թղթակցի հետ զրույցում ասաց Սյունիքի մարզի Սվարանց գյուղի գյուղապետ Արթուր Մարգարյանը: Գյուղապետը փոխանցել էր, որ շուրջ 1.5 տարի է, ինչ նա մութն ընկնելուց հետո տանից դուրս չէր գալիս: «Արմենակի մոր պատմելով մի գիշեր շունը կտրել է Արմենակի ճանապարհը հաչացել, որից շատ ուժեղ վախեցել է», - պատմել էր գյուղապետը: Արթուր Մարգարյանը նշել էր նաև, որ Արմենակի ծառայության կարճ ժամանակահատվածում նույնիսկ զորամասից շնորհակալագիր են ստացել, որ նա

⁸ http://www.lin.am/arm/armenia_society_150620.html

<http://www.epress.am/2013/01/17/9ինծառայողը-մահացել-է-հոսպիտալում-up.html>

⁹ <http://news.am/arm/news/137459.html>

շատ լավ ծառայող է: «Հունվարի 12-ին Արմենակի պրիսյագն էր: Մակայն մայրը գնացել է զորամաս, ասել են, որ նա կոմայի մեջ է: Այնինչ՝ Արմենակի մայրը հունվարի 9-ին հենց մեր տանից խոսեց Արմենչոյի հետ եւ պայմանավորվեցին, որ պրիսյագից հետո գնալու են Ջրառատ պրիսյագը հորաքրոջ տանը նշելու», - պատմել էր գյուղապետը:

2. Արտյոմ Գագիկի Հակոբյանը

2013 թ-ի հունվարի 18-ին, ժամը 20:55-ին Կենտրոնական կլինիկական զինվորական հոսպիտալում մահացել է 13.01.2013թ-ից ԿԿԶՀ-ում բուժման մեջ գտնվող ՀՀ ՊՆ N զորամասի ժամկետային զինծառայող, շարքային Արտյոմ Գագիկի Հակոբյանը /ծնված 1994թ/: Արտյոմ Հակոբյանը զորակոչվել էր 2012 թ-ին Կապանի զինկոմիսարիատից:¹⁰

Արտյոմ Գագիկի Հակոբյանը Սյունիքի մարզի Քաջարան գյուղից էր: Քաջարանի գյուղապետը տեղեկացրել է, որ Արտյոմը ավարտել էր ուսումնարանը եւ մեկնել ծառայության:

Նա նշել էր, որ երեխայի մահվան հետ կապված տարբեր բաներ են ասում, ասում են, թե ջրծաղիկից է մահացել: Հորեղբոր որդին նշել է, որ Արտյոմը առողջ երիտասարդ էր, երբեւէ գանգատներ չի ունեցել:

Հիշեցնենք, որ «Հեմորագիկ ինսուլտ, սպոնտան մասիվ սուբարախնոիդալ արյունազեղում արտահայտված ուղեղի մեղիալ հատվածներում, ուղեղի այտուց, ուղեղաբնի երկրորդային համախտանիշով, վիճակ տարած ջրծաղիկից հետո» ախտորոշմամբ հունվարի 13-ին ընդունվել է N զորամասի պարտադիր ժամկետային զինծառայող, շարքային Արտյոմ Գագիկի Հակոբյանը:

Ե. Դժբախտ պատահար

1. Հուսիկ Ստեփանյան

¹⁰ <http://news.am/arm/news/136599.html>

2013 թ-ի հունվարի 16-ին, ավտովթար է տեղի ունեցել Վայոց Ձորի մարզում: Ժամը 15:30-ի սահմաններում Երևան-Երասխ-Մեղրի ավտոճանապարհի 115 կմ հասվածում՝ Արփի գյուղի ճանապարհին, «Ուրալ» մակնիշի 33 16 S համարանիշի ավտոմեքենան դուրս է եկել ճանապարհի երթևեկելի գոտուց և մոտ 40-50 մետր գլորվել է ձորը:¹¹

Փաստի առթիվ ՀՀ ՊՆ քննչական ծառայությունում ՀՀ քր. օր-ի 377 հոդ. 2-րդ մասով (մեքենաներ վարելու կամ շահագործելու կանոնները խախտելը, որն անզգուշությամբ առաջացրել է մարդու մահ) հարուցվել է քրեական գործ և կատարվում է նախաքննություն:¹²

Մահացածը Վայք քաղաքի բնակիչ, ՀՀ ՊՆ N գորամասի պայմանագրային զինծառայող Արթուր Գևորգյանն էր, ով, ըստ նախնական տեղեկությունների, եղել է վարորդը, իսկ վիրավորը՝ Արարատի մարզի Արմաշ գյուղի բնակիչ Հուսիկ Ստեփանյանն է:

Զ. Սպանություն

1. Վոլոդյա Մեդրակի Ավագյան

2013 թ-ի մարտի 20-ին ժամը 19.05-ի սահմաններում ՊԲ հյուսիսարևելյան ուղղությամբ տեղակայված զորամասերից մեկի պահպանության տեղամասի մարտական դիրքում մահացու հրազենային վիրավորում է ստացել 1993 թ-ին ծնված Վոլոդյա Մեդրակի Ավագյանը:¹³

Միջադեպի հետ կապված մանրամասները պարզելու համար տարվում է քննություն:

Վոլոդյա Ավագյանը Լոռիի մարզի Կաթնառատ գյուղից էր, դպրոցն ավարտելուց հետո անմիջապես մեկնել է զինվորական ծառայության:

Նրա համագյուղացիները NEWS.am-ին պատմել են, որ Վոլոդյա Ավագյանն արդեն 1,5 տարվա զինծառայող էր եւ պետք էր աշնանը զորացրվեր: Նա ընտանիքի

¹¹ http://henaran.am/news_view.php?post_id=15956

<http://www.epress.am/2013/01/16/Զինվորական-«Ուրալը»-գլորվել-է-ձորը-կա.html>

¹² <http://www.ilur.am/news/view/6738.html>

¹³ <http://operativ.am/?p=11138/Զինվոր-է-սպանվել>

կրտսեր զավակն է, ուներ երկու քույր, որոնք ամուսնացած են: Ընտանիքը գտնվում է ծանր սոցիալական պայմաններում, աշխատանք չունեն, փոխարենը ծնողները վարկեր ունեն:

Ծնողներին եւ հազարատներին հայտնել են, թե դեպքը անզգուշության հետեւանք է: Զինձառայողները բարձրացել են դիրքեր, զենքը լիցքավորելու ժամանակ դրա օգտագործման կանոնների խախտման հետեւանքով ծառայկցի զենքից կրակոց է արձակվել իր ուղղությամբ, եւ նա տեղում մահացել է: